



საია ეძებს იურისტს თურქული, ბერძნული და იტალიური კანონმდებლობის მიხედვით სამართლებრივი გამკვლევის შესაქმნელად

საქართველოს ახალგაზრდა იურისტთა ასოციაცია (საია) ეძებს 3 ქართველენოვან იურისტს, რომელსაც შეუძლია შეიმუშაოს სამართლებრივი გამკვლევი თურქეთში, იტალიასა და საბერძნეთში მცხოვრები საქართველოს მოქალაქეებისათვის:

- იურისტი #1: თურქულ კანონმდებლობაში;
- იურისტი #2: იტალიურ კანონმდებლობაში;
- იურისტი #3: ბერძნულ კანონმდებლობაში;

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



თითოეული იურისტი შეიმუშავებს ქართულ ან ინგლისურ ენაზე პრაქტიკულ სახელმძღვანელოს იურიდიულ საკითხებზე (შესაბამისი ქვეყნის მიხედვით), რომელიც უნდა შედგებოდეს შემდეგი სავარაუდო საკითხებისაგან (საკითხების შინაარსი დაზუსტდება):

1. როგორ შეიძლება მოიპოვოს იმიგრანტმა მიმღებ ქვეყანაში ცხოვრების უფლება - ვიზა, ბინადრობა, მოქალაქეობა (რა საბუთები უნდა წარადგინოს, რა პროცედურის მეშვეობით, სად, რა საფასური არსებობს ამისთვის). აქვე უნდა განიმარტოს, თუ რა გამოსავალი არსებობს არალეგალურად/უდოკუმენტოდ მცხოვრები მიგრანტებისთვის და მითითებული პრაქტიკული რჩევები, თუ როგორ შეიძლება მათი სამართლებრივი მდგომარეობის გაუმჯობესება.

2. როგორ შეიძლება მოიპოვოს იმიგრანტმა მიმღებ ქვეყანაში მუშაობის უფლება (რა საბუთები უნდა წარადგინოს, რა პროცედურის მეშვეობით, სად, რა საფასური არსებობს ამისთვის). აქვე უნდა განიმარტოს, თუ რა გამოსავალი არსებობს არელგალურად/უდოკუმენტოდ მომუშავე მიგრანტებისთვის და მითითებული პრაქტიკული რჩევები, თუ როგორ შეიძლება მათი სამართლებრივი მდგომარეობის გაუმჯობესება.

3. თუ როგორ შეუძლია დასაქმებულ იმიგრანტს დაიცვას თავი დამსაქმებელთან ურთიერთობაში, დასაქმების ყველა ეტაპზე (მუშაობის დაწყებისას, მუშაობის პროცესში, მუშაობის დასრულებისას - ანაზღაურების მისაღებად). განსაკურებული ყურადღება უნდა გამახვილდეს თუ რა უფლებები აქვთ იმიგრანტებს მიმღები ქვეყნის კანონმდებლობით და რა გზებით შეიძლება მათი დაცვა.

4. თუ როგორ შეუძლია იმიგრანტს მიიღოს ნვდომა ჯანდაცვის (მათ შორის უფასო) სერვისებზე და რა პროცედურები უნდა გაიაროს მან ამისთვის, ვის უნდა მიმართოს, რა უფლებები გააჩნია მას ჯანდაცვის კუთხით, და ა.შ.

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



5. თუ რა სამართლებრივი გარემო არსებობს მიმღებ ქვეყანაში ბიზნესის წარმოებისთვის (რა უნდა იცოდეს მცირე ბიზნესის დაარსების მსურველმა გადასახადების, რეგისტრაციისა და სხვა ბიზნესთან დაკავშირებულ სამართლებრივ და პრაქტიკულ საკითხებზე).

6. განათლების თვალსაზრისით, რა შესაძლებლობები აქვთ იმიგრანტებს მიმღებ ქვეყანაში, რომ გააძლიერონ საკუთარი პროფესიული უნარ-ჩვევები სხვადასხვა დარგში (სად მოიპოვონ ინფორმაცია, ვის მიმართონ, როგორ მიიღონ წვდომა უფასო ან დაბალფასიან/შეღავათიან საგანმანათლებლო/პროფესიულ სასწავლო პროგრამებზე).

7. როგორ შეიძლება არასამთავრობო/დიასპორული ორგანიზაციის დარეგისტრირება მიმღებ ქვეყანაში და რა უნდა იცოდნენ იმიგრანტებმა საკუთარი დიასპორული ორგანიზაციის შესაქმნელად (საგადასახადო, საანგარიშგებო, სადამფუძნებლო და სხვა მნიშვნელოვანი სამართლებრივი საკითხები).

8. შესაბამის ქვეყანაში მცხოვრები მიგრანტებისთვის მნიშვნელოვანი სხვა საკითხები.

თითოეული ქვეყნის მიხედვით აღნიშნული სამართლებრივი კრებულის შესადგენად, შესაბამისი იურისტის ჰონორარი განისაზღვრება 800 ევროთი (რასაც გამოაკლდება შესაბამისი ქვეყნის გადასახადები).

მსურველებს ვთხოვთ, გამოაგზავნონ CV, ერთგვერდიანი სამოტივაციო წერილი და არსებობის შემთხვევაში, წარსული ნამუშევრები. ასევე, გთხოვთ, მიუთითოთ 2 რეკომენდატორის საკონტაქტო ინფორმაცია და ვინაობა. მითითებული დოკუმენტები გამოგზავნეთ შემდეგ მისამართზე: macharashvili@gyla.ge

განცხადების ჩაბარების ბოლო ვადაა 18 აპრილი.

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



სამიდან თითოეული კრებულის ტექნიკური მაჩვენებლებია:

- ა4 ფორმატის ვორდის დოკუმენტში, სილფაენის ზომა-12 ფონტით აკრეფილი არა ნაკლებ 30 გვერდი ქართულ ენაზე, დაშორება სტრიქონებს შორის - 1, სტანდარტული ფორმატირებით.

კრებულის ჩაბარების საბოლოო ვადაა 26 მაისი, 2017 წელი.

დამატებითი კითხვების შემთხვევაში, მოგვწერეთ შემდეგი ელ. ფოსტის მისამართზე:
macharashvili@gyla.ge